

Corte Superior a pone homer cu a destrui imagen di Maria den libertad

ORANJESTAD(AAN) -- Manera DIARIO a publica, ayera mainta Corte Superior a tuma un decision den e caso contra Elviro Joung.

Dia 11 di Mei 1997, Joung a bay den Kapel di Alto Vista y cu un machete el a destrui diferente cos y tambe e imagen di Maria.

Joung a bisa Corte Superior cu el a haci esaki pa motibo di venganza contra esnan cu ta blo persigui'e. El a bisa tambe cu e ta lamenta loke el a haci.

Joung a apela e sentencia di Corte di Promer Instancia pasobra e no kier bay tuma tratamiento den Paaz. Ta asina cu Corte di Promer Instancia ta haya Joung culpabel di a destrui e imagen y otro cos den Kapel pero como cu psiquiatra a bisa cu Joung no por

para responsabel pa su actonnan, no por impone un castigo di prison. Corte di Promer Instancia a dicidi pa Joung worde interna pa 1 aña largo den un institucion.

Joung a bisa Corte Superior cu e no kier bay tuma pildora manera psiquiatra ta pretende pasobra e no ta haya cu e ta malo.

Procurador General interino ta haya cu e decision di Corte di Promer Instancia ta na su lugar.

Abogado Flanders a bisa Corte Superior cu no tin un institucion pa interna Joung. Paaz no ta e lugar adecua. E unico cos cu por haci ta mand'e na un institucion na Hulanda. E abogado ta haya cu lo ta mihor pone Joung den libertad y lag'e dedica na pintamento cu ta loke e gusta haci.

Ayera mainta Corte Superior a dicta sentencia caminda presidente a bisa cu a keda proba loke Joung ta worde acusa di dje y e ta castigabel pa esaki. Corte Superior ta di acuerdo cu no por pone Joung responsabel pa su actonnan y pesey ta haya cu no por impone un castigo di prison p'e. Corte Superior no ta mira cu Joung mester worde interna den un institucion manera Corte di Promer Instancia a dicidi. Corte Superior a dicidi cu mester pone Joung inmediatamente den libertad.

Despues di mas cu 11 luna encarcela, Joung ayera a haya su libertad.

E pregunta cu ta surgi ta cu si Joung bolbe causa destruccion manera el a yega di haci caba den pasado, kico lo bay pasa? Ta bolbe declar'e liber di persecucion penal y pone den libertad di a busca un manera pa proteha comunidad?



Erin Croes back cu su programa di mainta

ORANJESTAD (AAN): Informacion cu DIARIO ta dispone di dje ta indica cu awemainta pa 7:30'or, e programa radial di Erin Croes, esta "Bon Dia Aruba" lo cumenza worde transmiti atrobe, via di e emisora nobo, Magic 96.5 FM.

Den un entrevista cu Erin Croes, el a splica cu comentario di pueblo principalmente ta enfoca riba e "falta" cu nan ta sinti di e programa di mainta aki. Nan tabata haya falta di e horoscopo, pensamento di dia, happy birthdays, etc.

Awor Erin Croes lo ta back cu e programa, cuminzando awe Diaranzon 22 di April.

Tele Aruba no ta worde transmiti

den aire

ORANJESTAD (AAN): Esnan cu kier a mira TeleAruba ayera (usando antenna di TV), por a nota cu canal 13 ta for di aire.

Hefe di operacion di TeleAruba, esta Albino Tromp, a informa cu actualmente nan no ta riba canal 13, debi na problema tecnico cu nan transmisor.

Actualmentenan ta transmiti solamente via Cable, esta canal 13 y 23. E trabao lo dura aproximadamente 3 dia, pa nan ta back den aire via antenna. E canal ta pidi disculpa na e televidentenan.

INDIAN ROCK GARDEN & Blue Saloon New



All Inclusive

private party center

Ricibimento
Minimo
100
persona


For more information Call: 833831

Bruid - Aniversario - Ricibimento
Bautismo - Employee's Party - Reception
Champaña y Decoracion ta GRATIS

ALT ALTO ALTISIMO



ANOTHER GIANT
OF THE
SUZUKI FAMILY

RONDWEG 1 TEL: 837100

* 4-door * Airconditioned * Radio AM/FM/Cassette

AF1.18,500.-